



pravosudna mreža
BOSNE I HERCEGOVINE
правосудна мрежа
БОСНЕ И ХЕРЦЕГОВИНЕ
justice network
OF BOSNIA AND HERZEGOVINA



forum građana tuzle



Helsinški odbor za ljudska prava
u Republici Srpskoj

NEWSLETTER BILTEN

Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.

| Broj 32. |

NOVOSTI

V stručna rasprava o Nacrtu preporuka za izmjene i dopune Zakona o VSTV-u održana je u Tesliću 14./15.07.2017. godine

U okviru svog projekta „Program održivosti civilnog društva u BiH“ – Sektor Pravosudna vlast u BiH, koji podržava USAID, Forum Građana Tuzle, zajedno sa partnerskom organizacijom Helsinški odbor za ljudska prava RS iz Bijeljine, organizovali su i proveli treću stručnu raspravu (od planiranih 5 rasprava), o „Nacrtu preporuka za izmjene i dopune zakona o VSTV-u“.

Projektana radna grupa, formirana od predstavnika sudskih i tužilačkih strukovnih udruženja iz BiH, nosilaca pravosudnih funkcija, je, nakon višemjesečnog rada, sačinila određene preporuke za izmjenu postojećeg zakona koje bi trebale da doprinesu nezavisnosti, samostalnosti i odgovornosti VSTV-a, pa samim time i sudske vlasti čime bi se doprinijelo izgradnji povjerenja u ovaj važan dio državne vlasti.



CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА



Centar za promociju civilnog društva



USAID
FROM THE AMERICAN PEOPLE





Pravosuđe i mediji – bolji odnosi jedini put do povećanja povjerenja građana i unapređenja pristupa pravdi

Razumijevanje rada pravosuđa i medija, odnosi pravosudnih institucija s medijima, prisustvo novinara u sudskim postupcima, ograničenja pristupa informacijama u sudskim predmetima, izloženost pravosudnih institucija medijskoj kritici te odgovornost i stručnost novinara bile su najvećim dijelom teme četiri okrugla stola "Pravosuđe i mediji" koje je Visoko sudsko i tužilačko vijeće Bosne i Hercegovine (VSTV BiH) organizovalo tokom maja i juna.

Uvodničari na okruglim stolovima bili su prof.dr. Lejla Turčilo, Odsjek za žurnalistiku, Fakultet političkih nauka, Univerziteta u Sarajevu; Renata Radić – Dragić, novinar Centra za istraživačko novinarstvo i Manuela Hodžić, glasnogovornik Suda BiH dok su učesnici bili predsjednici, sekretari, službenici zaduženi za obavljanje poslova odnosa s javnošću i glasnogovornici sudova kao i predstavnici medija.



Aktivnim učešćem i diskusijom učesnici su zaključili je da je potrebno zajedničkim radom i saradnjom graditi povjerenje javnosti u oba sistema, da komunikacija između pravosudnih institucija i medija treba biti bolja te su obje strane spremne da unaprijede odnose. Realna, pravovremena i konstruktivna, a ne destruktivna kritika pravosuđa je važna s ciljem informiranja i povećanja povjerenja javnosti i unapređenja pristupa pravdi. Također je potrebno ujednačiti procedure pristupa informacijama u sudovima, proaktivno informirati javnost putem medija i ažurnije koristiti i web stranice za pružanje informacija o radu sudova. Posebno je važna edukacija nosilaca

pravosudnih funkcija o radu medija kao i predstavnika medija o radu pravosuđa.

Ovi okrugli stolovi organizovani su u okviru Projekta „Konsolidacija i dalji razvoj pravosudnog komunikacijskog i informacionog sistema – IPA 2013“ kojeg finansira Evropska unija.

Preuzeto sa <http://vsts.pravosudje.ba>